

काँधे कावड़ ठाली भोले,  
मन मैं धर लिया ध्यान तेरा,  
मेरी मंज़िल ने पार लगाईये,  
मानूंगा अहसान तेरा,  
जय भोले नाथ, जय भोले नाथ,  
जय भोले नाथ, जय भोले नाथ ॥

घणे दिना तै सोचू था मैं,  
हरिद्वार मैं आवण ने,  
मन मेरा भी तड़पे था,  
गंगा मैं गोते लावण ने,  
भोला भाला जमीदार सू-2,  
हरयाणे मैं गाम मेरा,  
मेरी मंज़िल ने पार लगाईये,  
मानूंगा अहसान तेरा,  
जय भोले नाथ, जय भोले नाथ,  
जय भोले नाथ, जय भोले नाथ ॥

माहरे गाम के मन्दिर मैं हो,  
बाबा तने नुहाउंगा,  
घिस घिस चंदन भरू कटोरी,  
माथे तिलक लगाऊंगा,  
धुप दीप तै करु आरती-2  
फेर गाऊ गुणगान तेरा,  
मेरी मंज़िल ने पार लगाईये,

मानूंगा अहसान तेरा,  
जय भोले नाथ, जय भोले नाथ,  
जय भोले नाथ, जय भोले नाथ ॥

लाडू पेड़े खावे कौना,  
आक धतूरा ल्याउंगा,  
काची काची भांग घोट के,  
भर भर लौटे प्याऊगा,  
तुहि मेरा मात पिता है-2  
तुहि है भगवान मेरा,  
मेरी मंजिल ने पार लगाईये,  
मानूंगा अहसान तेरा,  
जय भोले नाथ, जय भोले नाथ,  
जय भोले नाथ, जय भोले नाथ ॥

इतनी सूणके टैर जाट की,  
परसन होगे बम भोले,  
हरियाणा के खेता मैं फिर,  
बरसे चांदी के गोले,  
तेरी जय हो ओघर दानी-2,  
दिनेश करे गुणगान तेरा,  
मेरी मंजिल ने पार लगाईये,  
मानूंगा अहसान तेरा,  
जय भोले नाथ, जय भोले नाथ,  
जय भोले नाथ, जय भोले नाथ ॥

काँधे कावड़ ठाली भोले,  
मन मैं धर लिया ध्यान तेरा,

मेरी मंजिल ने पार लगाईये,  
मानूंगा अहसान तेरा,  
जय भोले नाथ, जय भोले नाथ,  
जय भोले नाथ, जय भोले नाथ ॥

Singer Dinesh Goyal

Source:

<https://www.bharattemples.com/kaandhe-kawad-thali-bhole-man-me-dhar-liya-dhy-an-tera/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>